

89. LA-MORT ÉPI LARAMI²

Missié' bon Dié' té ca fini pipe à i à la fenèt'e et, pou' distrai i yeux à i, té ca visité la té'. C'est ça qui fait i voué Larami, on ancien vieux soldat couché ca do'mi adans on 'tit case i té fait en bas on gros montagne. "Hum! moin pas tini temps pou' visité cahier à bougue la ça, mais i ca semme moin on bien mauvais cœur."

¹ Informant 30.

² Written by Informant 4.

En disant ça bon Dié' descende à té' épi i crié Missié' Vent et Mouché La-pluie. La-pluie commencé tombé, Vent commencé venté, mais case à Larami té à l'abri bien comme i faut en bas montagne, et Compé' moin té ca ronflé en dormant sans occupé su' di la-pluie ni di vent. I faut ou save case à Larami té tellement putit qui pas tini l'ai' pou' dé' moune té couché ensemble. Missié' bon Dié' vini déguisé en on bougue tout mouillé et tout sale cogné la po'te ou là Larami. Larami levé en su'-saut, tête à i cogné asi cloison à case la, et i cui (crié) épi la pé', "Ça qui là?" Missié' bon Dié' réponde, "C'est on malheureux voyagé' qui pe'de chimin, qui tout mouillé. Si ou plaît pour l'amour di Dié' ba moin on 'tit l'hospitalité." Larami dit, "Hélas, Missié', case la bien petit, mais moin pas pé' laissé ou deho' par en temps pareil. Entré, nous qué assi sur cabane la jusse à temps la-pl'ie passé." Missié' bon Dié' rentré épi toute linge sale à i et assi collé épi Larami toute la nuit sans jamin fai la-pl'ie à i, le vent à i passé. Quand jou' rouvé', bon Dié' dit Larami, "Ou c'est on bon bougue, moin té ca pensé ou té tini plis méchant cœur, alors comme moin c'est bon Dié' moin ca autarisé ou 'mandé trois choses ou plis envi." Larami dit i, "Ah, ou c'est bon Dié'! Et b'en, mi paquet ca'te à moin. Tout ça qui qué joué épi moin ta pe'de." Bon Dié' dit, "Ça faite." — "Ba moin cent ans à vivre!" Bon Dié' dit, "Ça fait." — "Si on moune monté adans pied s'orange moin, i qué re'té là jusse temps moin di i descendre." — "Ça faite," dit bon Dié'. Larami pa'tit et coumencé joué ca'te et gagné en ribambelle l'a'gent. I vini on gros kyape. Tout pa'tout c'est Monseigneur de Larami. Mais on jôur bon matin La-mort vini cha'ché i. "Ça ou ca di moin?" dit Larami. "Bon Dié' 'voyé moin cha'ché ou. Cent ans à ou la boute." — "Ça va bien," dit Larami, "mais moin ca bien pensé ou doué être ca volé moin, mais annous épi moin à case pour moin sa' voué 'tit boin avant moin allé épi ou." La-mort dit ça va. Quand yo 'rivé Larami dit, "La-Mort, 'gadé 'tit pied s'orangier la comment i chargé! Moin té qui bien mangé en petit avant moin pa'ti. Si ou plaît, La-mort, pendant moin ca visité case à moin, monté couilli un orange ba moin!" La-mort, grand imbécile, monté sur pied s'orange la, et Larami pa'tit sans 'ga'dé i. La-mort prisonnier, toute cabrouet (cabriolet) bon Dié' ca monté à vide. Choléra disparaîte, moune pas té mort. Pendant ci temps Seigneur Larami ca joué ca'te et amusé corps à i. Quand minme i fini pa' las bomboucer et vive, i retourné voué case à i et i dit La-mort, "Si ou vlé descende c'est pou' ou ba moin encore cent ans." La-mort dit i, "Chien 'marré c'est pour battre." Larami alors autorisé i descende. C'est ça que fait la guerre déclaré tout pa'tout, tremblement té', cyclone, et tout bitin qui fait cabrouet La-mort ca monté chargé épi n'âme moune mort. Mais cent ans à Larami fini bien vite et La-mort vini cha'ché i. Larami réponde, "A pas hier non ou té la case." La-mort dit i, "Lampe à ou fini, étinne, hier, et pas tini causé ouap!" I pa'ti épi i.

Larami allé tout douète la-porte paradis, mais St. Pierre dit i, "Place à ou pas ici." Larami 'mandé i la permission pou' i jeté on 'tit coup d'œil en didans là pou' i, voué coument ça yé. St. Pierre rouvé' finèt'e à i on 'tit boin, mais Larami qui té monté epi paquet (ca'te) à i 'voyé i en didans paradis. St. Pierre bien fâché ouvé' la-porte la et dit, "Vini ramassé cochonerie ou la ici dans!" Larami pas té ca 'mandé mieux. Dès qui i fini ramassé ca'te la, i bondit en didans côté toute ces saints la. Au lié' misieu' re'té en place, i ca dit ces saints la, "En vous joué on 'tit baccara. Annous, moïn ca joué deux 'Notre pé' contre un 'Je vous salue.'"¹ Bon Dié' té ca passé, i t'ouvé voix à Larami, alors ça contrarié, i dit Larami, "Sorti, allé couwi dans l'éternité! Pas tini place ici pour vous parce pendant ou té riche moïn pas voué ou fai ayien de charité à personne, non." Larami réponde, "Eh bien, c'est bien vrais l'injustice pas ca fini, minme bon Dié' ca fait. Coument moïn té couché en 'tit case à moïn, ou fai vent à ou venté, la-pluie à ou tombé, ou té tout mouillé, ou 'mandé moïn l'hospitalité et nous passé toute la nuit assi dos à dos. Moïn pas même di ou linge à ou té ca mouillé moïn, et voilà jodi adans on grand paradis com' ça ou pas ca trouvé on 'tit place ba moïn." Bon Dié' prend ri et c'est pou' ça Larami vieux soldat en paradis pou' l'éternité.